



# Synfocity = 931

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

April 5, 2024

## □ Council of Churches in Mizoram Joint Committee Meeting neih a ni

April 3, 2024 (Nilaini) chawhnu dar 1:00 khan Synod Office, J.M. Lloyd Hall-ah Mizorama Kohhrante Inpumkhatna (Council of Churches in Mizoram) Joint Committee an inhmukhawm a. Meeting hi Rev. R. Vanlalnghaka, Synod Moderator-in a kaihruai a, kohhran hrang paruk aiawh mi 37 an tel thei a ni. Meeting hian October, 2024-ah chuan Council hi a nih dan tur angin ding fel hman tawh sela tiin an rel a. Programme tul ang leh Constitution chungchanga rel fel ngai te lo bawhzui hna chu Drafting Committee kuta dah a ni a, anni hi April 29, 2024 hian Lungleiah an thu khawm ang a. Drafting Committee ruahmanna hi June 11, 2024-ah Joint Committee-in an la thlir ho leh dawn a ni.

Mizorama kohhrante inpumkhatna tur hian Missionary din kohhran pathumten bul an tan a, kohhran dang pawh sawm belh an ni bawk a. Tunah hian Council of Churches in Mizoram dinna tura kohhran tel mekte chu Mizoram Presbyterian Kohhran, Mizoram Baptist Kohhran, Evangelical Church of Maraland, Lairam Isua Krista Baptist kohhran, Evangelical Free Church of India, Isua Krista Kohhran, Bualpui(Ng) leh Salvation Army te an ni.

Council of Churches din leh a kalphung tur duante pawh kohhran hrang hranga Inkhawmpui lianten tha an ti tlang deuh vek tawh a. A tul angte Joint Committee hian bawhzui zelin October thla hian Council of Churches in Mizoram chu ding hman tura ruahmanna siam a ni ta a ni.

## □ Kohhran Ni pawimawh Harhna thlen ni hman a ni

Mizorama Harhna thlen ni April 4 chu Kohhran Ni pawimawh a nih avangin Kohhran hrang hrangah hman a ni a, Synod Office pawh khar a ni. Mizorama Harhna lo thlen hmasak hun hi Synod chuan uluk taka a zirchian hnuah, kum 1982 Synod Inkhawmpui chuan April 4, 1906 hi Zorama Harhna lo thlen hmasak ni atan a pawm a, a hman dan tur pawh SEC kutah a dah a. Kum 1984 atangin kum tin April 4 hi Harhna thlen ni tiin Kohhran ni pawimawha chhiar a ni ta a ni. Kum 2006 khan Harhna thlen kum 100-na pawh Kohhran hoten ropui takin kan lo lawm tawh bawk a ni.

Kumin hi Harhna thlen kum 118-na a ni a, Mizoram Presbyterian Kohhran chuan inkhawm tum khat atan programme siamin thupui inang tlang "Harhna chuan ringtu a tichak" Tirhkohte 8:14-17 leh 13:1-3 tlawh chhanin zirho a ni.

## □ Synod Mission Board

### ◆ Delhi Mission Field

March 29, 2024 (Good Friday) khan Delhi Field chhunga Chandigarh Bial, Dharamshala Fellowship, Biak In thar hawna leh hlanna Field Secretary leh Bialtu Pastor hovin neih a ni a. Dharamshala fellowship member pakhatin an in sak mek 1st Floor chu Pathian biakna hmun atan a pe a ni. He hun hi Kohhran leh Mission pawl dang Pastor leh thawktu eng emaw zatin an hmanpui a ni.

### ◆ Lucknow Mission Field

March 29, 2024 (Zirtawpni) khan belhtu thar panga an awm a, March 31, 2024 (Pathianni) khan belhtu thar 10 an awm bawk.

### ◆ Nepal Mission Field

March 29, 2024 (Zirtawpni) khan belhtu thar pakhat a awm a, March 31, 2024 (Pathianni) khan belhtu thar pathum an awm bawk.

### ◆ Calcutta Mission Field

March 29, 2024 (Zirtawpni) khan belhtu thar 23 an awm.

### ◆ Jharkhand Mission Field

March 31, 2024 (Pathianni) khan belhtu thar pakua an awm.

### ◆ Odisha Mission Field

March 31, 2024 (Pathianni) khan belhtu thar panga an awm.

♦ **Karbi Anglong Mission Field**

March 31, 2024 (Pathianni) khan belhtu thar pahnih an awm.

♦ **Ramthar Campaign**

April 6-7, 2024 chung hian Champhai Vengthlang Kohhranah Finance Campaign leh Ramthar Campaign nei turin Rev. R. Lalhmingsanga, Secretary, Synod Mission Board a kal ang.

□ **Synod-in tanpuina pe**

April 4, 2024 (Ningani) khan Zohmun leh Palsang khuaa tun hnaia thli leh rialin In a tihchhiat chu Mizoram Presbyterian Kohhran, Synod chuan tanpuina, Kohhran tih bik awm lovin ₹ 36,50,000/- a pe a, tanpuina pe hian Rev. C. Zorammawia, Senior Executive Secretary leh thawktu mi pathum an kal.

□ **Presbyterian English School (PES)**

Presbyterian English School (PES), Ramhlun North chu March 30, 2024 (Inrinni) chawhma dar 11:00 khan Rev. Dr. K. Lallawmzuala, Executive Secretary i/c Education-in Pathian hnenah hlanin a hawng. Ramhlun North PES-ah hian thawktu Principal, Teacher - 6 leh Asst. Teacher - 2 awmin an vaiin thawktu mi 9 an awm mek a, zirlai admission ti tawh zat hi 201 an awm tawh a ni. PES, Ramhlun North hian MBSE syllabus a zawm dawn a ni.

□ **Synod Higher Secondary School**

April 5, 2024 (Zirtawpni) hian Synod Higher Secondary School chuan School Session thar an tan a, hemi ni hian School Re-opening Day Programme an hmang a ni. He hunah hian Pathian hnenah inhlanna hun hman a ni a, zirtirtute inhmelhriattirna neih a nih bakah Principal, Pu Lalsiammawia Fanai-in zirlaite hriat tur thuchah a sawi a. School naupange hriat tur tul inhriattir a ni bawk.

□ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlna pek a ni.

S.No	Khua/Veng	Pek chhan	Chhungkaw zat	Pek zat
1.	Darlak, Darlak West, Bawngva, Khanthuam, Saipuilui	Damlo leh Khawsak harsa	7	₹ 70,000/-
2.	Tualcheng, Pamchung, Lungphunlian	Damlo leh Khawsak harsa	5	₹ 50,000/-
3.	Kawlbem	Damlo	2	₹ 10,000/-
4.	Sairang Dinthar	Damlo	1	₹ 10,000/-
5.	Dawrpui Vengthar West	Damlo	1	₹ 10,000/-
			<b>Belh khawm</b>	<b>₹ 1,50,000/-</b>

□ **FM Zoawi - Aizawl & Lunglei : Hruaina Eng Radio Programme**

**April 5, 2024 (Zirtawpni) @ 7:30 p.m. :**

**Solo :** Solo: H. Lalremruati - I lam kan lo hawi, **Zaipawl :** Hnahthial North Bial Zaipawl - Lal ropui ber, **Thusawi :** Upa Dr. Lalrintluanga - Thalaite leh zirna, **Solo :** Lalrinhlui Tlumang - Lal rawngbawltu ka ni, **Zaipawl :** Champhai Vengthlang Bial Zaipawl - A lo kal thuai dawn

□ **Su Samachar Prasaran Programme :**

**April 7, 2024 (Pathianni) 5:30 pm. :**

**Group/Choir/Solo :** Fabiana Malsawmtluangi - Joganiya, **Group/Choir/Solo :** Sumi Z. Kalita - Jisu Tumi hokti diya, **Testimony :** Miss Shibani Chetia, **Group/Choir/Solo :** Hmingtea Tochwawng - Jisu tomal Bhalo Bese Chhi, **Group/Choir/Solo :** Chanmari Kohhran Masihi Sangati - Mukti Dilai

□ **Hruaina Eng TV Programme**

<b>5.4.2024 (Zirtawpni)</b>	5:00 pm	: Kristian Naupang Pual
<b>6.4.2024 (Inrinni)</b>	5:30 pm	: Puitling Sunday School Zirlai
<b>7.4.2024 (Pathianni)</b>	8:00 am	: Weekly round up
	5:30 pm	: Su Samachar Prasaran
<b>8.4.2024 (Thawhtanni)</b>	8:30 pm	: Hruaina Eng Luang chhuak

☐ **Moderator leh Executive Secretary-te Programme:**

**Rev. R. Vanlalnghaka : Moderator**

April 5, 2024 SL&PB BEC  
April 6-7, 2024 W. Phaileng Dinthar Bial  
April 10, 2024 Education BEC  
April 12-14, 2024 East Lungdar - Kohhran Pavalai pawl Intawhkhawm hmanpui

**Rev. C. Zoramawia : Senior Executive Secretary**

April 9, 2024 Synod Hmathlir Research Base Committee  
April 12-14, 2024 East Lungdar - Kohhran Pavalai Pawl Intawhkhawm hmanpui

**Rev. V.L. Luaia Hranleh : Executive Secretary**

April 5, 2024 SL&PB BEC  
April 7, 2024 Dinthar Kohhran - Social Front Programme (Zan)  
April 9, 2024 Synod Hmathlir Research Base Committee  
April 13, 2024 Kanghmun Bial Centenary lawmna hmanpui

**Rev. Dr. K. Lallawmzuala : Executive Secretary**

April 7, 2024 Chaltlang Kohhran (Zan)  
April 9, 2024 Worship Cell Committee leh Meeting (Grace Home, Chite)  
April 10, 2024 Education BEC  
April 11, 2024 Kristian Hlabu Ennawn Joint meeting  
April 12-16, 2024 Home Mission North-a Mission School tlawh

**PRESBYTERIAN HMEICHHE HOSTEL HRIATTIRNA**

Pawl 11 leh Pawl 12 zir tur, kum 2024-2025 chhunga Presbyterian Hmeichhe Hostel, Kulikawna awm duh tan ni 30.4.2024 (Thawhlejni), tlai dar 4:00 thleng dil theih a ni.

Interview hun : Ni 2.5.2024 (Ningani) dar 10:30 a.m  
A hmun : Synod Committee Room-I, Synod Office

Dilna Form hi Kohhran Hmeichhe Department, Synod Office-ah leh Warden, Presbyterian Hmeichhe Hostel, Kulikawnah lak theih a ni.

*Sd/-*

Rev. V.L. Luaia Hranleh  
Executive Secretary  
I/c Presbyterian Hmeichhe Hostel

**KOHRAN PAVALAI PAWL HRIATTIRNA**

April 12-14, 2024 chhunga East Lungdara Rampum huap Kohhran Pavalai Pawl Intawhkhawm lo awm turah Kohhran Pavalai Pawl member zawng zawngte kal vek tura sawm kan ni e.

*Sd/-*

Revival Director

**RAWNGBAWLNA HNA RUAK**

A hnuaia tarlan rawngbawl hna hi Mizoram Presbyterian Kohhran hnuaiah a ruak a. Mizoram Presbyterian Kohhran mi, kum 18-35 inkar, ni 14.5.2024-a kum 18 pum tawh, kum 35 la pumhlum lo, zuk leh hmuam leh ruih theih thila fihlim tan dil theih a ni. Dilna Form leh Tualchhung Kohhran Confidential Report Form hi Synod Service Board Office, Aizawl leh Synod Office, Lunglei atangin ni 2.4.2024 (Thawhlehi) atangin lak theih a ni ang. Dilna hi Synod Service Board Office, Aizawl-ah thelhu tur a ni a, dilna form man ` 20/- a ni. Dilna form-ah hriat tur pawimawh tarlan a ni ang.

**1. JOHN WILLIAMS HOSPITAL, LUNGLEI-A THAWK TUR**

Hna hming : Staff Nurse (Contract), Post - 2  
 Thiamna : GNM/B.Sc.(Nursing) from any recognised board/institution  
 Hlawh : Synod hnuaia Staff Nurse (contract) te hlawh

**2. SYNOD HNUAIA THAWK TUR**

Hna hming : Office Assistant (Contract), Post 1  
 Thiamna : HSLC of any recognised Board with CCA/CCC holder  
 Hlawh : Synod hnuaia Office Assistant (contract) hlawh

**3. SYNOD HIGHER SECONDARY SCHOOL-A THAWK TUR**

Hna hming : Teacher (Contract), Post 1  
 Thiamna : Graduate with B.Ed. or equivalent from any recognised university  
 Hlawh : Synod hnuaia Graduate (contract) hlawh  
 Thawhna tur : Secondary Section (High School)-ah Mizo subject zirtir thei a ni tur a ni a, hei bakah hian a tul anga subject dang pawh zirtir thei a ni bawk tur a ni.

Dil theih hun chung : Ni 30.4.2024 (Thawhlehi) dar 5 p.m. thleng

Written test hun : Ni 4.5.2024 (Inrinni) Dar 10 a.m.

Interview hun : Ni 14.5.2024 (Thawhlehi) Dar 10 a.m.

Sd/-

Rev. C. Zoramawia  
 Secretary  
 Synod Service Board

**PATHIAN THU ZIR DUH TAN**

Presbyterian Bible School, Mission Veng-ah Certificate in Theology (C.Th) Admission hawn a ni a. Dil duhte tan a hnuaia tarlan hi hriat tur a ni e.

Admission Form : Office hun chungin ₹ 10/- a lei theih a ni  
 Dil hun chung : April 26, 2024 (Zirtawpni) tlai dar 3:00 thleng  
 Dil thei chin : Class VII pass, kum 16 chin, Kohhran dan chhunga awm  
 Interview : April 30, 2024 (Thawhlehi) chawhma dar 10:00  
 Class tan hun : May 6, 2024 (Thawhtanni)  
 Zir hun chung : May - August, 2024

Hrechiang duh tan Phone No. 8974613378/8296035491/9612174790-ah zawhfiah theih a ni.

Sd/-

Rev. Lalrinsanga  
 Principal  
 Presbyterian Bible School